

Morning Dogri (NSD) National News Bulletin 23-06-2025

आकाशवाणी

- संयुक्त राष्ट्र महासचिव एनटोनियो गुतेरेस होरें कल सुरक्षा परिषद दे इमरजेंसी इजलास दरान ईरान च तनोतनी आली स्थिति गी खत्म करियै रमानदारी ब्हाल करने पर जोर दिक्ता ऐ।
- अमरीकी फौज आस्सेआ ईरान पर कीती गेदी कारवाई दे बाद पैदा हालात बारे रूसी राष्ट्रपति पुतिन हुंदे नै चर्चा करने लेई ईरान दे विदेश मंत्री अब्बास अगरेघची मास्को पुज्जी गे न।
- आपरेशन सिंधु तैह्त्त अजें तोड़ी 17 सौ कोला मते भारतीयेंग ी सुरक्षत मुख्य वापस लेई औंदा गेदा ऐ।
- 4 राज्यें च 5 विधानसभा सीटें पर होए दे उप-चुनां दे वोटें दी गिनतरी अज्ज होआ करदी ऐ।
- थाईलैंड च आयोजित एशियाई पैरा बैडमिंटन चैंपियनशिप च भारत नै 27 तगमें हासल करियै अजें तोड़ी दा बेह्तरनीन प्रदर्शन कीता ऐ।

<><><><><><>

UNSC

संयुक्त राष्ट्र महासचिव एनटोनियो गुतेरेस होरें न्यूयार्क स्थित संयुक्त राष्ट्र मुख्यालय च सुरक्षा परिषद दे इमरजेंसी इजलास दरान विश्व शांति बनाई रखने दी अपील कीती ऐ। उनें ईरान दे परमाणु केन्द्रें पर अमरीकी हमले दे मगरा पैदा संकट आली स्थिति च सुधार आहन्नने लेई तुरत कोई असरदार कारवाई करने दा आग्रह कीता ऐ। गुतेरेस होरें जवाबी कारवाई ते लड़ाई दे होर बधने दे खतरे गी घट्ट करने लेई तुरत आलमी सतह पर हीलें कीते जाने दी लोड़ दस्सी ऐ। अंतर्राष्ट्रीय सुरक्षा ते विश्व शांति बारे लोआए गेदे परिषद दे चेचे इजलास गी संबोधत करदे होई गुतेरेस होरें सौहगा कीता जे अमरीकी हमला इलाके च बिगड़दी स्थिति लेई इक खतरनाक ते तबाई आला सागत होइ सकदा ऐ, इस करियै जिन्ना तौले होई सके, हालात पर काबू पाना गै होग।

<><><><><><>

Iran-Russia

ईरान दे विदेश मंत्री अब्बास अग़रघची होर अज्ज गल्लबात लेई मास्को पुज्जे न। मंत्री होर अमरीका आस्सेआ कीती गेदी फौजी कारवाई दे मगरा क्षेत्रीय ते अंतर्राष्ट्रीय विकास बारे रूस दे राष्ट्रपति ब्लादिमीर पुतिन ते होरने वरिष्ठ अधिकारिण कन्नै गल्लबात करगन। कल तुर्की दे इस्टेनबुल च इक सुआल दा परता दिंदे होई अगाघची होरें आखेआ जे दौनें मुल्खें च उच्चवी रणनीतिक सांझेदारी ऐ ते अस म्हेशां इक दुए कन्नै सलाह सूत्र करदे होई अपने रूक्ख गी इक दुए सामने रखने आं।

<><><><><><>

PM-Iran

प्रधानमंत्री नरेन्द्र मोदी कल ईरान दे राष्ट्रपति मसूद पेजेशकियन हुंदे नै फोन पर गल्लबात कीती ते ईरान ते इजराइल बश्कार हाल च पैदा होई दी तनोतनी आली स्थिति पर गैहरी चिंता प्रगट कीती। इक सोशल मीडिया पोस्ट च मोदी होरें दस्सेआ जे गल्लबात दरान मजूदा हालात बारे तफसीली चर्चा कीती गई। प्रधानमंत्री मोदी होरें तनोतनी गी तौले घट्ट करने ते कूटनीति ते गल्लबात राएं इलाकें च सुरक्षा, रमानदारी ते शांति ब्हाल करने च आह्वान कीता। राष्ट्रपति पेजेशकियन होरें मोदी होरें गी हालात बारे तफसीली जानकारी दित्ती ते कन्नै मजूद स्थिति पर अपना नजरिया बी सांझा कीता।

<><><><><><>

PIB

सरकार नै सोशल मीडिया अकाउंट्स आस्सेआ कीते गेदे दावें गी खारत करी दित्ता ऐ जिंदे च आखेआ जा'रदा ऐ जे आपरेशन मिड नाइट हैमर दे दरान ईरान खलाफ एयर क्राफ्ट लांच करने लेई अतरीका आस्सेआ भारतीय ब्हाई क्षेत्र दा इस्तेमाल कीता गेआ हा। पीआईबी दी फोर्ट चैक युनिट इस दौनें गी झूठा ते फर्जी करार दिंदे इस गल्लै पर जोर दित्ता ऐ जे अमरीका आस्सेआ भारतीय ब्हाई क्षेत्र दा कुसै बी चाल्ली, कोई इस्तेमाल नेई कीता गेआ ऐ। पीआईबी नै आखेआ ऐ जे अमरीका दे जायंट चीफ्स ऑफ स्टाफ दे चेयरमैन जनरल डैन केन होरें हाल च इक प्रेस कांफ्रेंस दरान अमरीकी जहाजें आस्सेआ इस्तेमाल कीते गेदे ब्हाई रस्ते बारे दस्सेआ बी ऐ हा जिंदे च भारत दा कोई ब्हाई क्षेत्र शामिल नेई हा।

<><><><><><>

Op Sindhu

विदेश राज्य मंत्री पबित्रा मारघरीटा होरें ईरान दे मशहद थमां कल रातीं इक विशेष डोआरी राएं नमीं दिल्ली पुज्जे दे 285 भारतीय नागरिकें गी ब्हाई अड्डे पर पुज्जियै उंदा सुआगत कीता। उनें आखेआ जे आपरेशन सिंधु दे तैहत अजें तगर 1 ज्हार 713 भारतीय नागरिकें गी ईरान थमां सुरक्षत आह्नेआ गेआ ऐ। मंत्री होरें दस्सेआ जे अगले 2 दिनें तगर ईरान थमां 2—3 होर डोआरियां निर्धारत कीतियां जा करदियां न। श्री मारघरीटा होरें आखेआ जे मंत्रालय ईरान ते इजराइल च सेवा करदे सारे भारतीय नागरिकें कन्नै लगातार संपर्क च ऐ।

<><><><><><>

Hardeep Puri

केन्द्री पेट्रोलियम ते प्राकृतिक गैस मंत्री हरदीप सिंह पुरी होरें आखेआ ऐ जे सरकार पिछले दऊं हफतें थमां पच्छमी एशिया दी स्थिति उप्पर बरीकी कन्नै तक्क रखा करदी ऐ। कल इक सोशल मीडिया पोस्ट च मंत्री होरें आखेआ जे प्रधानमंत्री नरेन्द्र मोदी हुंदी अगुवाई च पिछले किश ब'रें च देसै दी आपूर्ति बवस्था च विविधता आह्नी गेई ऐ ते इस समें सप्लाई दा बड्डा हिस्सा स्ट्रेट ऑफ हमोज़ मिमां नेई औंदा ऐ। उनें दस्सेआ जे तेल विपणन कंपनिएं कोल केई हफतें दा तेल दा स्टाक ऐ ते उनेंगी अगगे बी बक्ख—बक्ख रस्तें राएं सप्लाई मिलदी रौह्ग। पेट्रोलियम मंत्री होरें आखेआ जे सरकार नै देसै दे नागरिकें आस्तै तेल दी सप्लाई बनाई रखने दे सब्बै जरूरी उपाह करी रखे दे न।

<><><><><><>

Shah

केन्द्री गृहमंत्री अमित शाह होरें कल संजा रायपुर च नक्सलवाद कन्नै निबडने लेई इक समीक्षा बैठक दी अध्यक्षता कीती। इस बैठक च वाम उग्रवाद कन्नै ग्रस्त 7एं राज्यें दे डरैक्टर जनरल ऑफ पुलस, अडिशनल डरैक्टर जनरल ऑफ पुलस ते केई वरिष्ठ अधिकारी शामिल होए। एह 7 राज्य च छत्तीसगढ़, आंध्रप्रदेश, तेलंगाना, मध्यप्रदेश, महाराष्ट्र, झारखंड ते ओडिशा। श्री शाह होरें आखेआ जे देश अगले ब'रे 31 मार्च तगर नक्सलवाद थमां मुक्त होई जाग।

<><><><><><>

By Polls

4 राज्यें च 5 असेंबली सीटें लेई होए दे उप-चुनाएं दे वोटें दी गिनतरी दा कम्म अज्ज बडलै शुरू होई गेआ ऐ ते मेद ऐ जे 10 बजे दे बाद शुरूआती रुझान औना शुरू होई जांगन। जिने विधान सभा सीटें लेई उप-चुनां होए हे, उंदे च गुजरात दी विसावादर ते कांडी, केरल दी नीलाम्बुर, पच्छिम बंगाल दी कातीगंज ते पंजाब दी पच्छिम लुधियाना विधानसभा सीट शामिल ऐ।

<><><><><><>

Badminton

थाईलैंड च आयोजित एशियन पैरा बैडमिन्टन चैंपियनशिप 2025 च भारतीय बैडमिन्टन खडारिएं 27 तगमें जित्ते न। इनें तगमें च 4 सुन्ने दे, 10 चांदी दे ते 13 कैह दे तगमें शामिल न। इस कार्यक्रम च एह देसै दा अजें तगर दा सर्वश्रेष्ठ प्रदर्शन ऐ। तगमें जित्तने आलें च पेरिस पैरा ओलंपिक च सुन्ने दा तगमा जित्तने आले नितेश कुमार, पेरिस पैरा ओलंपिक च चांदी दा तगमा जित्तने आले थुलासिमाठी मुरुगेसन ते पेरिस पैरा ओलंपिक च कैह दा तगमा जित्तने आली मनीशा रामादास शामिल न। एह चैंपियनशिप इस म्हीने दी 17 थमां 22 तरीक तगर थाईलैंड च आयोजित कीती गई ही। मिक्स डबल्स एसएल 3-एसयू 5 इवेंट च भारत नै त्रवै तगमें जित्ती लैते न। जेह्दे व नितेश कुमार ते थुलासिमाठी ते मनासी जोशी उप्पर स्ट्रट सेट दी जित्त च सुन्ने दा तगमा हासल कीता, जिसलै के चिराग बरेठा ते मनदीप कौर होरें कैह दा तगमा हासल कीता ऐ।

<><><><><><>

Cricket

हेडिग्ले च एंडरसन-तेंदुलकर क्रिकेट ट्रॉफी दे अज्ज चौथे रोज भारत अपनी दूई पारी च 96 रंजें दी बढ़त कोला अगगे खेडना शुरू करोग। कल मैच दे त्रीए ध्याड़े दा खेड्ड मुक्कने पर भारत नै दऊं विकटें दे नुक्सान पर 90 रंज बनाई लैते दे हे।

के.एल.राहुल 47 ते कप्तान शुभमन गिल नै 6 रंज बनाए दे हे। भार नै कल अपनी दूई पारी
दी शुरूआत इंग्लैंड पर 6 रंज दी बढ़त कन्नै कीती ही।

<><><><><><>